

頑石齋詩稿

燕子磯

久作騰飛勢云胡不忍離江濤聲似哭爲我立多時

雨花台

不見飛花下空存說法台斑斕留碎石刼盡石成灰

觀音山

鐵鎖留遺跡孤舟盡日橫山如風帽壓萬象眼前生

陣亡將士紀念塔

塔勢凌雲際千秋氣若凝英魂歸去未忍上最高層

奉題瓊望兄詠琴軒夜讀圖

倚山結茅屋池塘秋更淥竹影亂月明千竿戛寒玉松濤與唱酬隨風自起伏
留得楓林紅葉落空相逐瑟瑟西窗下搖搖耿秋燭咿唔有主人坐此清宵讀
時如鳳鳴山亦似鸞嘯谷鬼神皆失驚白雲爲佇足長夜何漫漫逸興忘孤獨

參橫北斗轉書聲猶斷續

偶成

秋思飛來無覓處眉梢深鎖熨難平庭前拾得梧桐葉裁作詩箋寄遠情

自題坐花小影

眼底繁華孰可親權將七尺坐芳茵萬花如海空相媚怎奈心腸鐵石人

爲野樵兄題戎裝立馬造像

花柳春深馬正忙

借句

緣何無語立蒼茫揚鞭合向邊垣躍好使銀蹄染血香

奉懷雁迅兄溫州卽次原韻

千里迢迢隔情通夢寐間恨無三尺劍殺出百重關壯士空懷志將軍莫破顏
傷心誰與共舉酒對河山

九一八寄天之兄福州

五載驚心過秋風信意來激昂空自愧流落嘆君才千里長相憶狂瀾孰挽回
山河悲此日懷抱爲誰開

春遊

寒意難禁病後身少年卻似老年人池塘芳草青如許底事逢春不當春

旅懷

黑塞青林路水通萬愁都向異鄉中夢回猶欲重相見別後方知不易逢入耳
秋聲憐旅鴈搜腸苦語答寒蟲虛窗已帶熹微白懶擁羅衾待日紅

納涼

蕉衣葵扇坐瓜棚習習薰風晚更生屋角樓頭涼月色街南巷北小兒聲金鸞
尾幻秋雲巧橫笛風吹夜氣清寂寞空庭誰是伴牛郎織女最關情

中秋夜飲

碧天誰洗出人月共登樓爭看今宵影依然去歲秋詩成聊代淚酒熱易消愁
肉食原多鄙何能及遠謀

送別張懷民君

一曲驪歌淚自揮關河萬里雪霏霏神龍豈合池中住鵬翼而今海上飛楚尾
吳頭情渺渺殘山賸水兩依依天涯我亦悲搖落何日扁舟遂北歸

秋日城樓遠眺

一鴈穿雲過他鄉倍覺秋空林悲落木夕照下荒丘風物江南感干戈塞北憂
沈寥寧有此何意復登樓

雪後口占

富貴繁華一刹那瓊樓無復舊時多天公應識山河意漫揭蒙羞一幅羅

月下寄公威武昌

秋庭鎖月故遲遲蒸地風吹萬里思黃鶴樓中人在否清宵一笛有誰知

奉和孫聞園先生新築安慶公園二律卽次原韻

故鄉景色知何似詩挾園林萬里來今夜旅魂應返皖他時結客好登臺干戈

翻作鋤鎌舞

園係兵工所築

杯盞傳飛風月陪興廢原關家國事衣冠此日自顏開

何地吹來細細香紅雲深處晚風長平泉花木多珍異沁水池亭汎灑光十里
明湖翻夜月七層尖塔界斜陽他時金谷筵開日斗酒吟詩許我狂

自明光返京後寄大哥

執手強破顏離腸已寸絕贈我金石言字字刻心骨我愧无一辭抑鬱不可說
車輪轉千周勢若驚龍掣山川不我留故鄉去如瞥身離心未離神魂任飛越

明日赴梁溪復與京都別世事本茫茫踽踽歎孤子何時快連牀思之情彌切

梅園探梅偕雁迅希康野樵梁川公略諸兄雁迅先有詩卽次其韻

絳雪紅雲錯落開風隨人後送詩來依依未肯輕攀折自有香魂伴我回
淡妝更覺鮮妍甚吸得仙姝一縷魂信意東風吹作雪羅浮夢斷了無痕
再度探梅雁迅兄又先有句仍次其韻

香魂未肯去儂身又向耳前約賞春飽喫梅花三五斗玲瓏胸次作詩人

探梅歸來贈梁川

詩句對君難出手

借句

情真祇許寸心知他年聚散原無定卻共梅花隔歲期

約君

明年今日
來錫賞梅

自題臥花小影

滿身花影繡成衣風蜨嬌嬈上下飛黃嬾何妨權作枕如雲孤夢不知歸

題王氏野園

肥遯嫌茲世悠然處土居萊衣階下舞花卉雨中鋤耽佛兄將弟無心毀與譽
人情雲樣幻高臥愛吾廬